



Tužilaštvo - Tužiteljstvo Bosne Hercegovine
Тужилаштво Босне и Херцеговине

Broj: T20 0 KTK 0023428 23
Sarajevo, 18.12.2023. godine

SUD BOSNE I HERCEGOVINE
SARAJEVO
- Sudiji za prethodno saslušanje -

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH), podižem:

OPTUŽNICU

Protiv:

Vrabac Mustafe, [REDACTED] rođenog [REDACTED] 1985. godine u Sarajevu, [REDACTED]

[REDACTED] državljanina BiH, [REDACTED]
[REDACTED]
[REDACTED]
[REDACTED]
[REDACTED]

Zbog postojanja osnovane sumnje da je:

1. Tačno neutvrđenog dana, u vremenskom periodu od 07.02.2019. godine do 11.07.2022.godine, u Sarajevu, u službenim prostorijama Tužilaštva Bosne i Hercegovine [REDACTED], u svojstvu službenog lica u smislu člana 1. stav 3. Krivičnog zakona Bosne i Hercegovine, kao referent - specijalist - rukovodilac Odsjeka za opšte poslove u Tužilaštvu Bosne i Hercegovine, na koje poslove je raspoređen u skladu sa Ugovorom o

radu na neodređeno vrijeme [REDACTED]

[REDACTED]
krivotvorio službenu ispravu i to službenu legitimaciju Tužilaštva Bosne i Hercegovine, koja služi kao dokaz činjenice da je njen imalac ovlašteno službeno lice Tužilaštva BiH, a koja činjenica je od značaja za pravne odnose, na način da je kao rukovodilac Odsjeka za opšte poslove u Tužilaštvu Bosne i Hercegovine iskoristio dostupnost resursima Tužilaštva Bosne i Hercegovine kroz povjerene mu službene dužnosti, odnosno dostupnost službenim legitimacijama Tužilaštva BiH, te je iz kancelarije Tužilaštva Bosne i Hercegovine, [REDACTED] u kojoj se nalaze službene legitimacije Tužilaštva Bosne i Hercegovine, izuzeo službenu legitimaciju Tužilaštva BiH

[REDACTED], a kojom službenom legitimacijom, [REDACTED] se dokazuje da je njen nosilac ovlašteno službeno lice Tužilaštva BiH, te je svjestan i znajući da nema svojstvo ovlaštenog službenog lica Tužilaštva BiH, u navedenu službenu ispravu- službenu legitimaciju Tužilaštva BiH unio neistinite podatke, tako što je iz službene legitimacije uklonio iskaznicu

[REDACTED] te je na mjesto navedene iskaznice u službenu legitimaciju unio službenu propusnicu Tužilaštva BiH na ime Mustafa Vrabac, iste veličine, boje i oblika kao što je legitimacija, na koji način je u navedenu službenu ispravu unio neistinite podatke o nosiocu legitimacije, svjestan i znajući da navedena isprava dokazuje da je njen nosilac ovlašteno službeno lice Tužilaštva BiH, a da on nema navedeno svojstvo;

2. U vremenskom periodu od decembra 2022. godine do 09.01.2023. godine, na području Sarajeva, svjestan svojih protivpravnih radnji, htijući to, u cilju pribavljanja imovinske koristi, u više navrata zahtijevao, a potom i zaprimio nagradu za sebe, kako bi korištenjem svog pretpostavljenog uticajnog položaja posredovao da službeno lice u Tužilaštvu Bosne i Hercegovine ne izvrši službenu radnju, pa je tako tokom decembra mjeseca 2022. godine putem službenog telefonskog broja Tužilaštva Bosne i Hercegovine [REDACTED] pozvao [REDACTED], predstavljajući se kao uposlenik Tužilaštva BiH, te istom saopštio neistinite podatke [REDACTED] i da se trebaju sastati, na šta je [REDACTED] pristao, da bi potom dana 29.12.2022. godine na sastanku u ugostiteljskom objektu [REDACTED] u Sarajevu, Mustafa Vrabac saopštio [REDACTED] da se u Tužilaštvu Bosne i Hercegovine vodi krivični postupak [REDACTED] i da se [REDACTED] u navedenom postupku dovodi u vezu [REDACTED] kao finansijer terorističkih aktivnosti, pa je predstavljajući mu se svojstvom ovlaštenog službenog lica - istražioca Tužilaštva Bosne i Hercegovine, pokazivanjem službene legitimacije

Tužilaštva BiH [REDACTED], te navodeći da postupa po ovlaštenju tužioca Tužilaštva Bosne i Hercegovine, od istog zahtjevao nagradu u iznosu od najmanje 10.000,00 EUR-a, kako bi posredovao kod tužioca Tužilaštva Bosne i Hercegovine da ne izvrši službene radnje koje bi morao izvršiti, navodeći ukoliko pristine dati novac, da ga tužilac neće krivično goniti i hapsiti, na koji način je osumnjičeni korištenjem činjenice da je uposlenik Tužilaštva BiH, te pozivanjem sa službenog telefonskog broja Tužilaštva BiH i korištenjem službene legitimacije Tužilaštva BiH kod [REDACTED] stvorio utisak da kao uposlenik Tužilaštva BiH ima uticajni položaj i da mu može pomoći da ga tužilac Tužilaštva BiH krivično ne goni, da bi potom dana 09.01.2023. godine u ugostiteljskom objektu [REDACTED] u Sarajevu od lica [REDACTED] primio iznos od 20.000,00 KM na ime ranije zahtjevane nagrade, čime je sebi pribavio imovinsku korist u navedenom iznosu.

Čime je, počinio krivično djelo Krivotvorenje službene isprave iz člana 226. stav 1. Krivičnog zakona Bosne i Hercegovine i krivično djelo Primanje nagrade ili drugog oblika koristi za trgovinu uticajem iz člana 219. stav 1. Krivičnog zakona Bosne i Hercegovine, u vezi sa članom 53. Krivičnog zakona Bosne i Hercegovine.

TUŽILAC TUŽILAŠTVA BiH